

## EDWARDS, GRIFFITH ('Gutyn Padarn '; 1812 - 1893), offeiriad, bardd, a hynafiaethydd

**Enw:** Griffith Edwards  
**Ffugenw:** Gutyn Padarn  
**Dyddiad geni:** 1812  
**Dyddiad marw:** 1893  
**Rhiant:** William Edwards  
**Rhyw:** Gwryw  
**Galwedigaeth:** offeiriad, bardd, a hynafiaethydd  
**Maes gweithgaredd:** Crefydd; Eisteddfod; Hanes a Diwylliant; Barddoniaeth; Ysgolheictod ac leithoedd  
**Awdur:** Thomas Parry

Ganwyd yn Llanberis 1 Medi 1812, mab [William Edwards](#) ('Gwilym Padarn'). Ni chafodd ond addysg elfennol yn ei ieuenctid, ond dysgodd yr ieithoedd clasurol gyda [Peter Bayly Williams](#), rheithor Llanrug. Graddiodd yng Ngholeg y Drindod, Dulyn, yn 1843, a chymerodd radd M.A. yn 1846. Yn 1843 urddwyd ef i'r weinidogaeth, a'i benodi'n gurad Llangollen. Yn 1846 penodwyd ef yn gurad parhaol Minera, ac yn 1863 yn rheithor Llangadfan, Sir Drefaldwyn, ac yno y bu hyd ei farw.

Cystadlodd ar y prif destunau barddol yn eisteddfodau Biwmares (1832) a Lerpwl (1840), a chyhoeddodd *Gwaith Prydyddawlyn* 1846. Ysgrifennodd gryn lawer o farddoniaeth yn Gymraeg ac yn Saesneg, a cheir erthyglau o'i waith ym mhrif gylchgronau'r ganrif. Cyhoeddodd *Deg-ar-hugain o Bregethau* yn 1854, ac ef oedd golygydd *Ceinion Alun*, 1851. Ysgrifennodd hanes plwyfi Llangadfan, Garthbeibio, a Llanerfyl.

Bu farw 29 Ionawr 1893.

### Awdur

Syr Thomas Parry, (1904 - 1985)

### Ffynonellau

Elias Owen (gol.), *The Works of the Rev. Griffith Edwards* (Llundain 1895)

Ellis Roberts, [Gutyn Padarn](#), *Y Geninen*, xi (G yl Dewi), 68-70

Ellis Roberts, [Gutyn Padarn: ei athrylith a'i waith](#), *Y Geninen*, xi (G yl Dewi), 68; xii (G yl Dewi), tt.1-5

### Darllen Pellach

Erthygl Wicipedia: [Griffith Edwards \(Gutyn Padarn\)](#)

### Dolenni Ychwanegol

VIAF: [24375983](#)

Wikidata: [Q20733085](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

